

醫學發明提要

原書無著者名。新安吳勉學校。疑是丹溪門人所撰。且首頁無序。祇有藥方目錄。方目前不詳證候。考其正文。則有證治發明。條目照錄如下。膈咽不通。並四時換氣用藥法。本草十劑。中風同從高墜下、嘔咳氣喘、飲食勞倦。論四時用藥加減法。滑脈生癰疽。瀉之則脈已。汗之則瘡矣。太陰所至爲蓄滿中滿。霍亂吐下諸脈。按之無力。所生病症並治法。諸嘔吐酸。皆屬於熱。諸痿喘嘔。今立熱喘寒喘二方。諸脈有關有格。有覆有溢。損其腎者益其精。幽門不通上冲。吸門不開噎塞。不便燥閉。腳氣論。中風有三。肺寒則面白生痰喘咳噎唾。肺白面白而不澤。爲脫氣脫血脫津脫液脫精脫神。百病在氣在血等證心法所未詳。治法及

未明症候。以發明其病理。詳辨其治法。故名之曰醫學發明。

東垣十書卷第六

醫學發明藥目錄

吳茱萸丸氣不交通

消痞丸心下痞

本草十劑

乳香神應散止痛

紫金丹接骨

調中順氣丸痞滯

木香順氣湯腹脹

加減瀉白散喘嗽

三奇湯痰

朱砂安神丸鎮固

利膈丸痰喘

黃耆補中湯

傷元活血湯墜

當歸導滯散墜

聖靈丹止痛

沉香導氣丸痞

沉香交泰丸腹脹

神秘湯喘

補中益氣湯勞

用藥加減法

人參益肺散

氣鬱

通氣防風湯

太陽氣鬱

草薺寇丸

心痛

白朮附子湯

中寒

丁香練實丸

痼疾

天台烏藥散

疝

茴香練實丸

疝

川練子散

疝

托裏榮衛湯

瘡

沉香海金沙丸

腫脹

續隨子丸

虛腫

海金沙散

濕

木香枳氣丸

腹脹

廣茂潰堅湯

積

導滯通經湯

濕

赤茯苓丸

濕

薑附湯

寒

沉香桂附丸

濕

十全大補湯

補

中滿分消丸

熱

中滿分消湯

寒

藿香安胃散

吐

加減二陳湯

吐

人參平肺散

痰

參蘇溫肺湯寒嗽

滋腎丸熱閉不潤

清肺飲子渴小

還少丹補

補益腎肝丸困

水芝丸補

地黃丸腎虛

三才封髓丹益腎水

離珠丹冷虛

天真丹下焦虛

八味丸腎氣虛

通幽湯幽門不通

潤腸湯燥結

當歸拈痛湯腳氣

羌活導滯湯脾氣

開結導飲丸痞悶

除濕丹濕腫

除風湯濕

枳實大黃湯脚腫

小續命湯中風

疎風湯中風

三化湯治風燥

大羌活愈風湯風

大秦朮湯中風

半夏溫肺湯

痰冷

丁香半夏丸

熱

紫蘇飲子

脾寒

巴戟丸

虛

雙和散

補血

附子溫中丸

溫胃

五邪相干

淹疾瘧疾

百病在氣在血

治病必須求責

東垣十書卷第六

醫學發明

膈咽不通并四時換氣用藥法

黃帝鍼經云。胃病者。腹臞脹。胃脘當心而痛。上支兩脇。膈咽不通。食飲不下。取三里。夫咽者。嚥物之門戶也。膈者。上焦。胃中心肺之分野。不通者。升降之氣上不得交。又云。清氣在下。則生飧泄。泄黃如糜。米穀不化者是也。濁氣在上。則生臌脹。腹中臌滿。不得大便。或大便難。或先結後溏皆是也。濁氣在上。當降而不降者。乃腎肝吸入之陰氣。不得下而反在上也。胃氣逆上。或爲嘔。或爲吐。或爲噦者。是陰火之邪上衝。而吸入之氣不得入。故食不下也。此皆氣衝之火逆。胃之脈反上而作者也。清氣在

下。則生殄泄者。胃氣未病之日。當上行心肺。而營經也。因飲食失節。勞役形體。心火乘於土位。胃氣弱而下陷於陰中。故米穀入而不得升。反降而爲殄泄也。膈咽之間。交通之氣。不得表裏者。皆衝脈上行。逆氣所作也。蓋胃病者。上支兩脇。膈咽不通。飲食不下。取三里者是也。鍼經云。清濁相干。亂於胃中。是爲大惋。惋者。惑也。氣不交通。最爲急證。不急去之。諸變生矣。聖人治此有要法。陽氣不足。陰氣有餘。先補其陽。後瀉其陰。是先令陽氣升發在陽分。而後瀉陰也。春夏之月。陽氣在經。當益其經脈。去其血絡。秋冬陽氣降伏。當先治其藏府。若有噎。有塞。塞者。五藏之所生。陰也。血也。噎者。六府之

所生陽也。氣也。二者皆由陰中伏陽而作也。今立四氣用藥并治法于後。

冬三月。陰氣在外。陽氣內藏。當外助陽氣。不得發汗。內消陰火。勿令泄瀉。此閉藏周密之大要也。盛冬乃水旺之時。水旺則金旺。子能令母實。肺者。腎之母。皮毛之陽。元本虛弱。更以冬月助其令。故病者善嚏。鼻流清涕。寒甚出濁涕。嚏不止。比常人大惡風寒。小便數而欠。或上飲下便。色清而多。大便不調。夜寒無寐。甚則爲痰咳。爲嘔。爲噦。爲吐。爲唾。白沫。以至口開目瞪。氣不交通。欲絕者。

吳茱萸丸主之。

吳茱萸 草豈薏仁

各一錢二分

橘皮

益智仁

人參

黃耆

升麻

各八分

澤瀉

白僵蚕

薑黃

柴胡

各四分

當歸身

炙甘草

各六分

木香

二分

青皮

三分

大麥蘖

一錢五分

半夏

一錢

右件爲細末。湯浸蒸餅爲丸。如棗豈大。細嚼三十丸。白湯送下。無時。

夏三月大暑。陽氣在外。陰氣在內。以此病而值此時。是天助正氣。而挫其邪氣。不治而自愈矣。然亦有當愈不愈者。蓋陰氣極盛。正氣不能伸故耳。且如膈咽不通。咽中如梗。甚者前證俱作。治法當從時。利膈丸泄肺火。以黃耆補中湯送下。如兩足痿厥。行步恆然。欹側欲倒。臂臑如折。及作痛而無力。或

氣短。氣促而喘。或不足以息。以黃耆。人參。甘草。白
朮。蒼朮。澤瀉。猪苓。茯苓。橘皮等作湯。送下滋腎丸
一百五十丸。六七月之間。濕熱之令大行。氣短不
能言者。加五味子。麥門冬。如心下痞。膨悶。食不下。
以上件白朮。蒼朮等湯。送下消痞丸五七十丸。更
當審而用之。

利膈丸。主胃中不利。痰嗽喘促。脾胃壅滯。

木香錢七

檳榔七分

厚朴

姜製二兩

人參

藿香葉

當歸

炙甘草

枳實

麩炒各一兩

大黃

酒浸焙二兩

右爲細末。滴水和丸。或少用蒸餅亦可。如桐子大。
每服三五十九丸。食後諸飲下。

消痞丸。治一切心下痞悶。及積年久不愈者。

黃連

去鬚揀淨。炒。六錢。

黃芩

刮黃色。六錢。

薑黃

白朮

各一兩

人參

四錢

炙甘草

二錢

縮砂仁

三錢

枳實

炒。黃。色。半兩。

橘皮

四錢

乾生薑

二錢

半夏

湯洗。七次。四錢。

麴

炒。黃。色。二錢。

一方加澤瀉

厚朴

各三錢

猪苓

半錢

右爲極細末。湯浸蒸餅爲丸。如桐子大。每服五七十丸至百丸。白湯送下。食後服。

黃耆補中湯

黃耆

錢一

人參

八分

炙甘草

二錢

白朮

蒼朮

各半兩

橘皮

兩

澤瀉

半兩

猪苓

茯苓

各三分

右咬咀。都作一服。水二盞煎至一盞。去滓。大溫送下。上件丸藥。

本草十劑

宣可以去壅。薑橘之屬是也。此大畧言之。蓋外感六淫之邪。欲傳入裏。三陰尚實。而不受逆邪。氣于胃中。窒塞不通。而或噦或嘔。所謂壅也。仲景云。嘔多。雖有陽明證。不可攻之。况乾噦者乎。三陰者脾也。故單用生薑。宣散必愈。若嘔者。有聲而有物。邪在胃系。未深入胃中。以生薑橘皮治之。或以霍香丁香半夏。亦此之類。投之必愈。此天分氣分虛無處。一無所受。今乃窒塞。仲景謂膈之上屬上焦。悉屬於表。或有形質之物。因而越之則可。若氣壅則不可。越之。

者吐也。亦無下之理。破氣藥也。辛瀉氣。若陰虛穢氣逆上窒塞。嘔噦不足之病。此地道不通也。止當用生地黃當歸。桃仁。紅花之類。和血涼血潤血。兼用甘藥以補其氣。微加大黃。芒硝。以通其閉。大便利。邪氣去。則氣逆嘔噦自不見矣。復有胃中虛熱。穀氣久虛。發而爲嘔噦者。但得五穀之陰以和之。五穀皆屬陰。或食。或飲。或白湯。皆止。則嘔噦自止。且如小兒班後。餘熱不退。痂不收斂。大便不行。是謂血燥。則當以陰藥治血。因而補之。用清涼飲子。通利大便而瀉其熱也。繁古云。涼風至而草木實。夫清涼飲子。乃秋風徹熱之劑。傷寒家邪入於裏。日晡潮熱。大渴引飲。譫語躁狂。不大便。是謂胃實。乃可攻之。夫胃氣爲濕熱所

傷。以承氣湯瀉其土。實元氣乃得周流。承氣之名。於此見矣。今哀世人以苦瀉火。故備陳之。除熱瀉火。非甘寒不可。以苦寒瀉火。非徒無益。而反害之。故諄諄及此。至如孫真人言。生薑嘔家之聖藥。謂上焦氣壅。表實而言之。非以瀉氣而言之也。

若脾胃虛弱。穀氣不行。榮衛下流。清氣不上。胃中閉塞。惟益胃推陽。穀氣而已。不宜瀉也。若妄以瀉氣。瀉血藥下之。下之則轉增閉塞疼痛。或變作結胃。復下其膈。由此致危者多矣。鍼經說。呵欠。噦。唏。振寒。噫。噦。譫。涕。淚。出。太息。涎下。耳中鳴。自齧舌。頰唇。視生病者。補之。此十二邪者。皆奇邪之走空竅者也。凡邪之所在。皆爲不足。宜補而不宜瀉。空竅者。

胃之清氣能通也。胃氣虛則穀氣不上行。是氣路不利。經云。廉泉。玉英者。津液之道路也。津液不上。胃中氣路不開。亦令人噦。勿作外實。以辛藥生薑之類。瀉其壅滯。蓋肺氣已虛。而反瀉之。是重瀉其氣。必胃中如刀割之痛。與正結胃無異。亦聲聞于外。用藥之際。可不慎哉。

通可以去滯。通草。防已之屬是也。防已大苦寒。能瀉血中大熱之滯也。亦能瀉大便。與大黃氣味同者。皆可瀉血滯。豈止防已而已。通草甘淡。能助西方秋氣下降。利小便。專瀉氣滯也。小便氣化。若熱絕。津液之源。於肺經。源絕則寒水斷流。故膀胱受濕熱。津液癰閉約縮。小便不通。宜以此治之。其脈右

寸洪緩而數。左尺亦然。其證。胃中煩熱。口燥舌乾。咽嗑亦乾。大渴引飲。小便淋瀝。或閉塞不通。脛肢脚熱。此通草主之。凡與通草同者。茯苓。澤瀉。通草。猪苓。琥珀。瞿麥。車前子之類。皆可以滲泄。利其滯也。此雖泄氣滯。小便不利。於肺中有所未盡爾。予昔寓長安。有王善夫。病小便不通。漸成中滿。腹大堅硬如石。壅塞之極。脚腿堅脹破裂。出黃水。雙睛凸出。晝夜不得眠。飲食不下。痛苦不可名狀。其親戚悲求治。病人始病不渴。近添嘔噦。所服治中滿利小便之藥甚多。細思素問云。無陽者。陰無以生。無陰者。陽無以化。膀胱津液之府。氣化乃能出矣。此病小便癰閉。是無陰。陽氣不化者也。凡利小便。